

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Zenica, 04.01.2021. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 64. stav (5) i stav (8) Zakona o zdravstvenoj zaštiti (Službene novine Federacije BiH“, broj: 46/10 i 75/13), a u vezi sa odredbama Odluke o kriterijima za imenovanje upravnih odbora zdravstvenih ustanova čiji je osnivač općina Zenica („Službene novine općine Zenica“, broj: 3/12), u postupku izbora i imenovanja upravnih odbora javnih ustanova, Gradonačelnik Grada Zenice, objavljuje

**O G L A S**

**za izbor i imenovanje članova upravnih odbora javnih ustanova  
„Dom zdravlja“ Zenica i Apoteka „Zdravlje“ Zenica**

Objavljuje se Oglas za izbor i imenovanje članova upravnih odbora javnih ustanova u Zenici kako slijedi:

**1. Upravni odbor Javne ustanove „Dom zdravlja“ Zenica**

- predstavnik Osnivača - jedan član,
- predstavnik stručnih radnika „Doma zdravlja“ Zenica - jedan član.

**2. Upravni odbor Javne ustanove Apoteka „Zdravlje“ Zenica**

- predstavnik Osnivača - jedan član,
- predstavnik stručnih radnika Apoteka „Zdravlje“ Zenica - jedan član.

Članovi Upravnog odbora imenuju se na period od četiri (4) godine i mogu biti ponovo imenovani.

Imenovanje članova upravnih odbora javnih ustanova „Dom zdravlja“ Zenica i Apoteka „Zdravlje“ Zenica vrši Gradsko vijeće Zenica na prijedlog Gradonačelnika Grada Zenica nakon obavljene procedure izbora kandidata putem javnog Oglasa.

**I OPIS POZICIJE**

Upravni odbor ima sljedeće nadležnosti:

1. donosi statut zdravstvene ustanove,
2. imenuje i razrješava direktora odnosno v.d. direktora zdravstvene ustanove,
3. utvrđuje godišnji program rada, planove rada i razvoja,
4. donosi finansijski plan i usvaja godišnji obračun,
5. donosi opšte akte o unutrašnjem uređenju i sistematizaciji poslova i druge opšte akte, u skladu sa zakonom i statutom zdravstvene ustanove,
6. usmjerava kontrolisanje i ocjenjivanje rada direktora,
7. odlučuje o svim pitanjima obavljanja djelatnosti radi koji je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove,
8. rješava sva pitanja odnosa sa osnivačem,
9. odlučuje o korišćenju sredstava preko iznosa utvrđenog statutom zdravstvene ustanove,

10. odlučuje o prigovorima zaposlenika na odluke i rješenja kojim je direktor odlučio o pravu, obavezi i odgovornostima zaposlenika iz radnih odnosa,
11. podnosi najmanje jednom godišnje izvještaj o poslovanju ustanove osnivaču,
12. obavlja i druge poslove u skladu sa Zakonom o zdravstvenoj zaštiti i statutom zdravstvene ustanove.

Kandidati moraju ispunjavati opće i posebne uslove.

## II OPĆI USLOVI

Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u zdravstvenoj ustanovi u čiji se upravni odbor kandiduje,
7. da nije direktor zdravstvene ustanove,
8. da nije član ni u jednom upravnom odnosno nadzornom odboru ustanove, odnosno privrednog društva sa većinskim državnim kapitalom,
9. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
10. da nije lice koje je kažnjavano za prekršaj, odnosno privredni prestup nespojiv sa dužnošću u upravnom odboru zdravstvene ustanove.

## III POSEBNI USLOVI

Posebni uslovi za imenovanje su:

1. da ima završen VII stepen stručne spremlje pravnog, ekonomskog ili zdravstvenog usmjerenja,
2. da ima najmanje 5 (pet) godina radnog iskustva na poslovima svog stručnog naziva,
3. da ima stručno znanje iz djelatnosti zdravstvene ustanove, te da su upućeni u sadržaj i način njenog rada,
4. da ima sposobnost upravljanja finansijskim sredstvima i ljudskim resursima, kao i sklonost timskom radu.

## IV POTREBNI DOKUMENTI

Svojeručno potpisana prijava kandidata treba da sadrže kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom obrazovanju,
2. dokaz o traženom radnom iskustvu,
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama 3. do 9. općih uslova iz Oglasa (sve navedene izjave mogu biti tekstualno sadržane na jednom ovjerenom listu),
5. uvjerenje kandidata da nije kažnjavan za privredni prestup, odnosno prekršaj nespojiv sa dužnošću u upravnom odboru zdravstvene ustanove (**uvjerenje ne starije od 3 mjeseca izdato od strane nadležnog suda**).

**Dokumenti koji se prilažu uz prijavu moraju biti originali ili ovjerene kopije.**

**Kandidati su dužni u prijavi i na koverti naznačiti naziv zdravstvene ustanove u čiji upravni odbor se kandiduju i tačan naziv pozicije na koju apliciraju (ispred reda osnivača i/ili stručnih radnika zdravstvene ustanove).**

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**„Prijava na Oglas za izbor i imenovanje članova Upravnog odbora Javne ustanove  
„Dom zdravlja“ Zenica“**

**i/ili**

**„Prijava na Oglas za izbor i imenovanje članova Upravnog odbora Javne ustanove  
Apoteka „Zdravlje“ Zenica“**

**- NE OTVARATI“  
GRAD ZENICA  
Služba kabineta Gradonačelnika  
- Komisija za izbor -  
Trg Bosne i Hercegovine br. 6  
72 000 Zenica**